

Tawm Pob Liab (Impetigo)

Tej zaum koj tus menuam tau nphav raug:

Tus kab mob: Impetigo yog ib tus kab mob bacteria uas raug rau ntawm daim tawv nqaij. Feem ntau nws tshwm rau ntawm taub ntswg, caj npab, ceg los yog ib ncig ntawm lub qhov ncauj.

Mob licas: Tej zaum koj tus menuam cov tawv nqaij yuav qawj los yog ua hlww. Cov qhov nqaij qawj kuj si ib co kua nyeem thiab daj thiab thaum qhuav los nws yuav ua kaub puab thiab lo rau ntawm daim tawv nqaij. Feem ntau nws pib rau ntawm ib qho tawv nqaij to. Tej zaum kuj yuav pib rau ntawm tej qho tawv nqaij uas tu lossis raug kab tom.

Yog hais tias koj tus menuam kis tau tus kab mob no lawm tej zaum kuj yuav siv sij hawm li 1 mus rau 10 hnub ntawd ua ntej tus tsos mob tshwm sim.

Kis licas: Kov tau cov kua si uas tawm ntawm qhov tawv nqaij qawj ntawd los.

Lub caij uas tseem kis: Kis txog thaum uas cov qhov nqaij zoo los yog thaum twb muab tshuaj kho tau li 24 xuab moos lawm.

Hu rau tus neeg saib xyuas koj kev noj qab nyob zoo: Yog hais tias ib neeg twg hauv koj tsev neeg muaj tus mob tawm pob liab. Tej zaum koj tus kws kho mob yuav sau ntawv mus yuav tshuaj rau.

Ciav cais: Puas yuav tsum cia nyob tsev?

Chaw Zov Menyuam thiab Tsev Kawm Ntaww:

Yuav tsum cia, yog hais tias koj tus kws kho mob paub zoo hais tias tus mob yog hom mob impetigo lawm, yuav tsum cia nyob tsev kom txog thaum uas twb muab tshuaj rau 24 xuab moos lawm los yog cov qhov nqaij ntawd twb qhuav tas lawm.

- Tiv thaiv:**
- Ntxuav tes kom zoo yog hais tias kov tau tej qho uas cov kua si ntawd tau ntub rau lawm. Tej zaum koj kuj yuav tau pab ntxuav koj tus menuam txhais tes.
 - Tu kom zoo tej chaw uas cov kua si ntawd tau ntub rau lawm. Siv ib hom tshuaj uas tua tau kab mob tuag.
 - TSIS TXHOB sib qiv phuam da dej, phuam ntxuav muag, los yog ris tsho.
 - Muab ntaub los yog ntaub nplaum los qhwv cov qhov nqaij qawj ntawd. Thiab kom tus menuam tsis txhob khawb cov qhov nqaij ntawd.

Yog hais tias paub hais tias leej twg tau tus mob thov qhia mus rau tsev kawm ntawv chav saib xyuas kev noj qab nyob zoo. Yog xav paub ntaw ntxiv thov hu rau Hennepin County Hauv Paus Saib Kev Noj Qab Haus Huv Hauv Zos (HSPHD) ntawm 612-543-5230.